



Broj: KSI-17-86/23

Datum: 05.05.2023. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po anonimnoj prijavi od 24.04.2023. godine protiv A. D. i drugih, na 54. sjednici, održanoj dana 05.05.2023. godine, donosi

O D L U K U

Postupak za odlučivanje o sukobu interesa protiv A. D. i drugih, iz Brčkog, neće se pokrenuti, obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine.

Образложење

Dana 24.04.2023. godine broj: KSI-17-86/23 Komisija za odlučivanje o sukobu interesa je zaprimila anonimnu prijavu protiv A. D. i drugih radi sumnje na postojanje povrede odredaba Zakona o sprečavanju sukoba interesa u institucijama Brčko distrikta Bosne i Hercegovine.

U prijavi je navedeno da Komisija za odlučivanje o sukobu interesa ispita povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane A. D. i drugih, odnosno da je nezadovoljstvo medicinskih radnika u Brčko distriktu i štrajkovi koji su krenuli iz Zdravstvenog centra u Bijeloj, a gdje je glavna medicinska sestra R. D., supruga A. D. dogradonačenika Brčko distrikta Bosne i Hercegovine i predsjednik HDZ u Brčkom. Nadalje, navodi da je i među zaposlenim i dr B. Đ. zastupnik u Skupštini Brčko distrikta ispred HDZ, te da je i predsjednik skupštinske komisije za zdravstvo koja daje razne saglasnosti i usvaja finansijske planove i izvještaje o radu, a sa druge strane i zaposlenik JZU, te da glasa za svoje interese i interese R. D.. Takođe je naveo da članica Komisije R. M., njena sestra J. G., direktor Direkcije za finansije i njen suprug M. G., šef Odjeljenja za Evropske integracije i međunarodnu saradnju Vlade Brčko distrikta, zajedno zloupotrebljavaju svoje funkcije kao i budžet Brčko distrikta Bosne i Hercegovine.

Članom 2. tačka c) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Komisija je uvidom u Registar javnih funkcija i nosilaca javne funkcije utvrdila da A. D. obavlja funkciju zamjenika gradonačelnika Brčko distrikta BiH na osnovu Odluke broj: [REDACTED]

Članom 22. Poslovnika o radu Komisije za odlučivanje o sukobu interesa propisano je da je stranka u postupku nosilac javne funkcije.

A. D. kao nosilac javne funkcije obavezan je postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

Naime, uzimajući u obzir navode iz predmetne prijave koji se odnose na sukob interesa u odnosu A. D., R. D. i B. Đ., Komisija je utvrdila da u pogledu R. D., koja nije nosilac javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine Komisija za odlučivanje o sukobu interesa za postupanje. Vezano za nosioce javne funkcije Komisija nije utvrdila da postoji povreda Zakona o sprečavanju sukoba interesa u institucijama Brčko distrikta Bosne i Hercegovine i postojanje bilo kojeg vida privatnog ili finansijskog interesa nosioca javne funkcije, te da se svi nosioci javne funkcije pridržavaju odredaba Zakona o budžetu, Zakona o javnim nabavkama, te da ne postoje povrede odredaba člana 11. stav (1) Zakona.

Nadalje, u dijelu navoda iz prijave da Komisija ispita eventualni sukob interesa između R. M., J. G. i M. G., Komisija je odlučivala o istome u drugom postupku, te ne postoji sukob interesa shodno odredbama Zakona o sprečavanju sukoba interesa u institucijama Brčko distrikta Bosne i Hercegovine.

Slijedom navedenog, Komisija je donijela odluku kao u dispozitivu odluke.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. Anonimnom podnosiocu
- putem oglasne table,
2. Evidenciji i
3. Arhivi.